

۱۳۲. ◻◻)◻ ۶ ~~~~~

والله يهدي من يشاء الى صراط مستقيم دینی ، علمی ، ادبی ، سیاسی ہفتہ لاق مجموعۃ اسلامیہ در

اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۳۳ - ۲۱۵ ۷ ذی القعدة ۱۳۳۰ پنجشنبه ۴ تشرین اول ۱۳۲۸ جلد ۲ - ۹

اولماری ، ولایتلرک بر مجلس منتخبه مالک بولمه لری ، ژاندارمه و سربستی تدریسات ، میلّس تشکیلاتی اساسنه استناد ایدن بر طاقم اصلاحاتی احضار و بونلری استانبولده بولنان دول معظمه سفراسی ایله حکومات بالقانیه ایچلرینک قونترولی آلتنده کیت متساویه ده مسلمان و خرسستیان اعضالردن مرکباً تشکل ایده جک بر قومیسون معرفتیله در حال تطبیقه توسل الیمکه دعوت ایدر لر .

حکومات مذکورده امید ایدر لرکه ترکیه اشبو نوطه و اوکا ملفوف ایضاحنامه ده ذکر ایدیلن موادی قبول و آلتی آی طرفنده تماماً موقع تطبیقه وضع ایده جک و دلیل موافقت اولق اوزره سفر برلک امرینی کیری یه آله جقدر . امضا : کشف

مذکور نوطه یه ملفوف ایضاحنامه مواد آتی یه احتوا ایتمکده در :

۱ — سلطنت عثمانیه داخلنده بولنان اقوامک مختاریت ملیه لرینک اشبو حقت تولید ایده جکی نتایج ایله برلکده طامعی .

۲ — عثمانلی پارلمنتوسنده هر ملتک کندی مقدار موجودیتیله متناسب مبعوثلره مالک اولسی .

۳ — خرسستیانلرله مسکون ولایتلر داخلنده خرسستیانلرک هر درلو مأموریتلرده استخدامی .

۴ — خرسستیان جماعتلرینه عائد مکاتبک هر صورتله حکومت مکاتبی ایله مساوی طوقلسی .

۵ — باب عالی طرفندن بعدما ولایتک ماهیت عرقیه لرینی تغیر ایچون هیچ بر صورتله مهاجر اسکاننه تشبث ایدلیه جکنک تعهد ایدلسی .

۶ — خرسستیان افرادک خدمت عسکریه لرینی مخلنده ایضا ایتلری و خرسستیان عسکرلرینک قادرو لرینک خرسستیانلردن تشکیلی . قادرو لر تشکیلی ایدیلنجیه قدر خرسستیانلردن عسکر آلتامسی .

۷ — آوروپای عثمانی ولایتانده ژاندارمه تشکیلاتک اسویچره و بلجیقا ژاندارمه ضابطانی اداره سی آلتنده تنسیق .

۸ — خرسستیانلرله مسکون اولان ولایت ایچون کذلک اسویچره لی و بلجیقالی والیلر تعیینی و صورت تمینلرینک دول معظمه طرفندن تصدیق و بونلرک معیتلرینه دوائر انتخابیه طرفندن انتخاب ایدلش مجالس عمومیه تعیینی .

۹ — صدارته ملحق و مقدارجه مساوی خرسستیان و مسلمان اعضادن مرکب بر مجلس عالی طرفندن اشبو اصلاحاتک تطبیقاتنه نظارت ایدلسی .

دول معظمه سفراسی ایله بالقان حکومتلری ایچیلری بوجملسک اجرا آتی تعقیبه صلاحیتدار اوله جقدر لر .

انقطاع مناسبات

حکومت سنی طرفندن تشرین اولک ۲ سنده دول معظمه قایینه لرینه

تبلیغ ایلدیکی تلغراف کده عثمانلی آژانسی طرفندن نشر ایدلمشدر :

بلغارستان و صربستان طرفندن آوروپای عثمانی ولایتانه سفر برلک امرینک کری آلتسمنه دائر بزه ویرلش اولان نوطه دن دول معظمه البت خبردار اولمشلردر . اشبو نوطه نیک بزم طرفزدن بر جوابه دکری اولمده یی ایچون صوفیه و بلغاراده بولنان سفرا امرک در حال هر درلو مناسبات سیاسی یی قطع ایله استانبوله عودت ایللری ایچون تبلیغات اجرا قلمشدر . او یله ظن ایدر لرکه محافظه صلح ایچون صرف ایلدی کمر مساعی دول معظمه نزدنده مظهر تقدیر اوله جق و آوروپانک موجودیتندن تجاهل ایله دولتلرک توسطلرینی بر طرفه براقه رق طوغریدن طوغری یه بزه توجه ایتش اولان بالقان حکومتلرینک دول مشار الیمه قارشی کوستر دکلری حرمتسزلک آ کلاشیله جقدر .

مطبعة احمد احسان و شرکاسی
مدير مسئول : اشرف ادیب

کافه سنی اعطا ایتمه مشسه بوتأخرک الک باشلی سبیلرندن بری شبهه یوق که مقصدلری نه دن عبارت اولدینی آشکار بولنان تحریک و افساد منبعلرندن تولد ایدن سوء قصدلرک و جنایتلرک باعث اولدینی حال تشوش و اغتشاشدر .

بویله اولغله برابر حکومت سنیه احوال مبرمه الجاسیله دول معظمه نیک اجراسنه لزوم حس ایتدکلری تبلیغه تده کی نیت دوستانه یی تقدیرده کری قالمشدر . نتیجه سنده عالم مدنیت ایچون هر درلو وسائط اثلا فجویانه ایله اوکی آلتیق اقتضا ایدن بر طاقم مصائب عظیمه یی همه حال تولید ایده جک بر مصادمه تهلکه سنیه مانع اولق اوزره دول معظمه طرفندن صرف ایدیلن مساعی یه حکومت سنیه ازجان ودل اشتراک ایدر .

بونقطه ده حکومت عثمانیه دول معظمه نیک چاره حلی تحری ایتدکلری مسئله مدهشه قارشیدنده کندیلرینک وظیفه انسانیته روزانه لرینی تسهیل ایده جک صورتده ده اول داورانمش اولدینی ظننده در .

فی الحقیقه ، حکومت سنیه برلین معاهده نامه سنک بر جوق موادینک کرک متن معاهده نامه یه ، کرک روحنه مغایر بر صورتده تطبیق و بوضو رتله منافع عثمانیه بر جوق خصوصاً تده اخلاص ایدلش اولدینی قاله آلتق و مذکور معاهده نامه نیک ۲۳ نجی ماده سنک دیگر ماده لردن زیاده نه درجه یه قدر الحاله هذه بر قیمتی قالدینی تدقیق ایتک ایسته میه رک ۱۸۸۰ لایحه قانونیه سنی هیئت جموعه تاریخیه سیله ایلک دوره اجتماعیه ده قانون اساسی حکومت موجبجه مجلس مبعوثانه و تصدیق حضرت شهرباری یه عرض ایتکه کندیلکندن قرار ویرمندر .

بوقانون قبول و اعلان ایدیلر ایدلر مأمورین دولت علیه نیک موشکافانه بر صورتده تطبیقنه بذل اهتمام ایده جکلرینه دول معظمه مطمئن اولایلر لر . آز جوق بر اصول دائره سنده یاپیلان و دیگر بر طرز اداره یه خاص اولان اسکی اهل و تعلقانن حکومت مشروطه حاضره عثمانیه نیک صورت قطعیه ده اصلاحاته قرار ویرمش اولمده یی و ماضینک خطالری بر طرف ایتکه غیر قادر بولندینی حکمنی چیقارمق و بوبابده اظهار ایدیلن بعض شبهه لری وسیله عد ایده رک کرک مملکتک ، کرک اهلینک منافعیله غیر قابل تألیف باشقه تدبیرل آرامق جدأ پک حقسز اولور .

بلغارستانک نوطه یی

بلغارستان حکومتی طرفندن متفقلری نامنه صوفیه عثمانلی مصلحتکذارینه تودیع ایدیلان نوطه نیک متنی در :

زیرده واضع الامضا بلغارستان حکومتی رئیس و کلاسی و خارجیه ناظری ، ترکیا مصلحتکذارندن آتیده کی نوطه ایله مواد ملفوفه سنی حکومت سنییه یه ابلاغ ایلینی رجا ایله کسب شرف ایلر :

دول معظمه نیک آوروپای عثمانیه وجوده کتیر یله جک اصلاحاتی بالذات اللریه آله جکلرینه دائر دول مشار الیم نامنه آوستریا و روسیه حکومتلری طرفندن بالقان حکوماتی نزدنده وقوع بولان تنبیه رغماً بلغارستان ، یونانستان ، صربستان حکومتلری سلطنت عثمانیه داخلنده بولنان خرسستیانلرک سفالندن قورتارلسی و آوروپای عثمانیه سکون و آسایشک تمامی تأمین و شمدی یه قدر باب عالی طرفندن اکثریا بلا سبب بر طاقم معاملات ناروا و کیفیه یه هدف اولان بالقان حکوماتی ایله سلطنت مشارالیه آره سنده متین و دائمی بر صلح و مسالمت تأسیسی ایچون یکانه چاره نیک اساسی بر طاقم اصلاحاتک جدأ و تماماً تطبیقندن عبارت اوله جقنی حکومت مشارالیه یه بیانک ده مناسب اوله جقنی مطالعه سنده بولمشلردر .

بلغارستان ، یونانستان ، صربستان حکومتلری ، حادثات اخیرده دن دولای بوتشبتلرینه قره طاغکده اشتراک ایده مه مش اوله سندن طولای متأسف بولندکلری حالده باب عالی یی دول معظمه و حکومات بالقانیه متحداً برلین معاهده سنک یکرمی اوچنجی ماده سنده مسطور اولان و اهلینک ملیت عرقیه لری ، ولایتلرک مختاریت اداره لری ، والیلرک بلجیقالی و اسویچره لی